



বাংলাদেশ গ্যাস ফিল্মস্ কোম্পানী লিমিটেড  
(পেট্রোবাংলার একটি কোম্পানী)

নৈতিকতা কমিটি



## বিজিএফসিএল এর শুদ্ধাচার কৌশল কর্ম-পরিকল্পনা, ২০২৩-২০২৪ এর ৩য় কোয়ার্টার (জানুয়ারি-মার্চ, ২০২৪) এর নৈতিকতা কমিটির সভার কার্যবিবরণী

সভাপতি	মোঃ আব্দুস সুলতান ব্যবস্থাপনা পরিচালক ও সভাপতি, নৈতিকতা কমিটি, বিজিএফসিএল।
সভার তারিখ	১৮ জানুয়ারি ২০২৪
সভার সময়	১০:০০ ঘটিকা।
স্থান	মিটিং রুম, প্রধান কার্যালয়, বিজিএফসিএল, বিরাসার, ব্রাহ্মণবাড়িয়া।
উপস্থিতি	কমিটির সদস্য ও সংশ্লিষ্ট কর্মকর্তাবৃন্দ (উপস্থিতি তালিকা সংযুক্ত)।

গত ১৮ জানুয়ারি ২০২৪ তারিখে বিজিএফসিএল এর নৈতিকতা কমিটির ৩য় ত্রৈমাসিক (জানুয়ারি-মার্চ, ২০২৪) এর সভা কমিটির সভাপতি জনাব মোঃ আব্দুস সুলতান, ব্যবস্থাপনা পরিচালক, বিজিএফসিএল এর সভাপতিত্বে অনুষ্ঠিত হয়। বিজিএফসিএল-এর শুদ্ধাচার কৌশল কর্ম-পরিকল্পনা, ২০২৩-২০২৪ এর ৩য় কোয়ার্টার এর কার্যক্রম বাস্তবায়নের দায়িত্বপ্রাপ্ত কর্মকর্তা/প্রতিনিধি-সহ নৈতিকতা কমিটির সদস্যবৃন্দ সভায় অংশগ্রহণ করেন (বিবেচ্য সংযুক্তি : [Attendance Sheet](#) সদয় দ্রষ্টব্য)। সভার শুরুতে সভাপতি সবাইকে স্বাগত জানিয়ে কমিটির সদস্য-সচিবকে আলোচনা শুরু করার জন্য নির্দেশনা প্রদান করেন। সভায় নিম্নোক্ত বিষয়সমূহ আলোচনা করা হয় :

### ১.০ আলোচনা :

১.১। কমিটির সদস্য-সচিব সভাকে অবহিত করেন যে, বিজিএফসিএল এর শুদ্ধাচার কৌশল কর্ম-পরিকল্পনা ২০২৩-২০২৪ এর ২য় কোয়ার্টার (অক্টোবর-ডিসেম্বর, ২০২৩) এর বাস্তবায়ন প্রতিবেদন ইতোমধ্যে পেট্রোবাংলায় প্রেরণ করা হয়েছে, যাতে লক্ষ্যমাত্রা শতভাগ অর্জিত হওয়ার আশা করা যাচ্ছে। ২য় কোয়ার্টারের প্রতিবেদন যথাসময়ে পেট্রোবাংলায় প্রেরণ করা সম্ভব হওয়ায় সভাপতি সকলকে ধন্যবাদ জানান।

১.২। কমিটির সদস্য-সচিব সভাকে অবহিত করেন যে, বিজিএফসিএল এর শুদ্ধাচার কৌশল কর্ম-পরিকল্পনা, ২০২৩-২০২৪ এ মোট ৮০ জন জনবলের (১ম কোয়ার্টারে ৪০ জন ও ৩য় কোয়ার্টারে ৪০ জন) শুদ্ধাচার সংক্রান্ত প্রশিক্ষণ আয়োজনের লক্ষ্যমাত্রা নির্ধারিত আছে। কিন্তু প্রশিক্ষণার্থীর সংখ্যা মোট কর্মকর্তা ও কর্মচারীর তুলনায় কম হয়েছে বলে পেট্রোবাংলা হতে জানানো হয় এবং কমপক্ষে ২০০ জন জনবল-কে শুদ্ধাচার সংক্রান্ত প্রশিক্ষণ প্রদানের পরামর্শ প্রদান করা হয়। এ কারণে ৩য় কোয়ার্টারে ৪০ জন জনবলের শুদ্ধাচার সংক্রান্ত প্রশিক্ষণ প্রদানের লক্ষ্যমাত্রা নির্ধারিত থাকলেও এর বিপরীতে ৫০ জন জনবল-কে প্রশিক্ষণ প্রদানের সিদ্ধান্ত গৃহীত হয়। এ বিষয়ে প্রশিক্ষণ বাস্তবায়নের দায়িত্বপ্রাপ্ত কর্মকর্তা জনাব শুভঙ্কর কুমার সাহা, উপমহাব্যবস্থাপক(মানবসম্পদ) জানান যে, মানবসম্পদ বিভাগ কর্তৃক বর্ণিত প্রশিক্ষণটি ৩১ মার্চ ২০২৪ তারিখের মধ্যে বাস্তবায়ন করা সম্ভব হবে।

১.৩। বিজিএফসিএল এর শুদ্ধাচার কৌশল কর্ম-পরিকল্পনা, ২০২৩-২০২৪ এর ৩য় কোয়ার্টারে কর্ম-পরিবেশ উন্নয়নের আওতায় টিওএন্ডই-ভুক্ত ১(এক) লট অকেজো মালামাল নিষ্পত্তিকরণের লক্ষ্যমাত্রা নির্ধারিত আছে, মর্মে কমিটির সদস্য-সচিব সভাকে অবহিত করেন। এ বিষয়ে সভায় উপস্থিত অকেজো মালামাল নিষ্পত্তিকরণের দায়িত্বপ্রাপ্ত কর্মকর্তা জনাবা জেসমিন আক্তার, উপমহাব্যবস্থাপক(স্টোর এন্ড ইনভেন্টরী কন্ট্রোল) সভাকে অবহিত করেন যে, মার্চ-২০২৪ মাসের মধ্যে উক্ত অকেজো মালামাল নিষ্পত্তিকরণের কাজটি বাস্তবায়ন করা হবে।

১.৪। কমিটির সদস্য-সচিব সভাকে অবহিত করেন যে, বিজিএফসিএল এর শুদ্ধাচার কৌশল কর্ম-পরিকল্পনা, ২০২৩-২০২৪ এর প্রত্যেক কোয়ার্টারে 'সেবা প্রদানের ক্ষেত্রে রেজিস্ট্রারে প্রদেয় সেবার বিবরণ ও সেবা গ্রহীতার মতামত সংরক্ষণ' এর বিষয়টি উল্লেখ আছে। এ বিষয়ে সভায় উপস্থিত দায়িত্বপ্রাপ্ত কর্মকর্তা জনাবা জোহরা আক্তার, উপমহাব্যবস্থাপক(পিআরএল এন্ড লীভ) এর দৃষ্টি আকর্ষণ করা হলে তিনি সভাকে জানান যে, কর্মকর্তা ও কর্মচারীদের পিআরএল এবং লীভ সংক্রান্ত সেবা প্রদানের ক্ষেত্রে সেবা গ্রহীতাগণের মতামত রেজিস্ট্রারে নিয়মিতভাবে সংরক্ষণ করা হচ্ছে, যা ইতোমধ্যে ১ম ও ২য় কোয়ার্টারের অগ্রগতি প্রতিবেদনের প্রমাণক হিসেবে প্রদান করা হয়েছে।

১.৫। সদস্য-সচিব সভাকে অবহিত করেন যে, পেট্রোবাংলার ২০২৩-২০২৪ অর্থ-বছরের ১ম ত্রৈমাসিকে কোম্পানিসমূহের দাখিলকৃত বাস্তবায়ন প্রতিবেদন মূল্যায়নের ফিডব্যাক সভায় কোম্পানিসমূহের নৈতিকতা কমিটির সভার কার্যবিবরণী-তে সিদ্ধান্ত অন্তর্ভুক্তির ক্ষেত্রে শুদ্ধাচার কর্ম-পরিকল্পনায় উল্লিখিত লক্ষ্যমাত্রাসমূহ হুবহু অন্তর্ভুক্ত না করে কর্ম-পরিকল্পনার বাইরে উত্তমচর্চা/সুশাসন প্রতিষ্ঠা/দুর্নীতি প্রতিরোধে সহায়ক কিছু সিদ্ধান্ত সংযোজনের পরামর্শ প্রদান করা হয়েছে। এ বিষয়ে আলোচনাশেষে ২০২৩-২০২৪ অর্থ-বছরের ৩য় কোয়ার্টারে শুদ্ধাচার সংশ্লিষ্ট শ্লোগান সম্বলিত "মোবাইল এন্ড পেন স্ট্যান্ড" প্রস্তুতের সিদ্ধান্ত গৃহীত হয়।

১.৬। শুদ্ধাচার কৌশল কর্ম-পরিকল্পনার বাইরে অতিরিক্ত কার্যক্রম হিসেবে আরো বর্তমান কোয়ার্টারে বিজিএফসিএল-এর নৈতিকতা কমিটি কর্তৃক সুন্দরবন গ্যাস কোম্পানি লিমিটেড (এসজিসিএল) এর শুদ্ধাচার বিষয়ক কার্যক্রম পরিদর্শনের সিদ্ধান্ত গৃহীত হয়।

## ২.০। সিদ্ধান্ত :

২.১। মানব সম্পদ বিভাগ ৩য় কোয়ার্টারে ৩১ মার্চ ২০২৪ তারিখের মধ্যে ন্যূনতম ৫০ জন জনবল-কে 'শুদ্ধাচার সংক্রান্ত প্রশিক্ষণ' প্রদানের ব্যবস্থা গ্রহণ করবে।

২.২। স্টোর এন্ড ইনভেন্টরী কন্ট্রোল বিভাগ কর্ম-পরিবেশ উন্নয়নের আওতায় টিওএন্ডই-ভুক্ত ১(এক) লট অকেজো মালামাল নিষ্পত্তিকরণের কাজটি মার্চ-২০২৪ মাসের মধ্যে বাস্তবায়নশেষে নৈতিকতা কমিটিকে অবহিত করবে।

২.৩। পিআরএল এন্ড লীভ বিভাগ "সেবা প্রদানের ক্ষেত্রে রেজিস্ট্রারে প্রদেয় সেবার বিবরণ ও সেবা গ্রহীতার মতামত সংরক্ষণ" এর কাজটি ১ম ও ২য় কোয়ার্টারের ন্যায় ৩য় কোয়ার্টারেও অব্যাহত রাখবে এবং এর কপি যথাসময়ে নৈতিকতা কমিটিকে সরবরাহ করবে।

২.৪। নৈতিকতা কমিটি শুদ্ধাচার বিষয়ে জনসচেতনতা বৃদ্ধির লক্ষ্যে শুদ্ধাচার সংশ্লিষ্ট/দুর্নীতি বিরোধী শ্লোগান সম্বলিত "মোবাইল এন্ড পেন স্ট্যান্ড" প্রস্তুত করবে।

২.৫। নৈতিকতা কমিটি সুন্দরবন গ্যাস কোম্পানি লিমিটেড (এসজিসিএল) এর শুদ্ধাচার বিষয়ক কার্যক্রম পরিদর্শন করবে।

সবশেষে সদস্য-সচিব সভাকে অবহিত করেন যে, প্রতি কোয়ার্টারের প্রতিবেদন যথাসময়ে পেট্রোবাংলায় প্রেরণ করা হয়ে থাকে। এ বিষয়ে সভাপতি বলেন, পেট্রোবাংলার সাথে সার্বক্ষণিক যোগাযোগ রাখতে হবে এবং সকল প্রকার প্রমাণক সহকারে সঠিকভাবে প্রতিবেদন প্রেরণ করতে হবে। তিনি শুদ্ধাচার কৌশল কর্মপরিকল্পনা ২০২৩-২০২৪ শতভাগ বাস্তবায়নের মাধ্যমে বার্ষিক কর্ম সম্পাদন চুক্তি (এপিএ) এর এ অংশে পূর্ণ নম্বর পাওয়ার জন্য সচেষ্ট হতে কমিটির প্রতি বিশেষ তৎপরতা ও সচেতনতা প্রত্যাশা করেন। সদস্য-সচিব সভার সিদ্ধান্তগুলো নির্দিষ্ট সময়ে বাস্তবায়নে সকলের সহযোগিতা কামনা করেন।

সভায় আর কোন আলোচ্য বিষয় না থাকায় সভাপতি উপস্থিত সকলকে ধন্যবাদ জানিয়ে সভার সমাপ্তি ঘোষণা করেন।



০৪-০২-২০২৪

মোঃ আব্দুস সুলতান

ব্যবস্থাপনা পরিচালক ও সভাপতি, নৈতিকতা কমিটি,  
বিজিএফসিএল।

২১ মাঘ ১৪৩০ বঙ্গাব্দ

তারিখ:

০৪ ফেব্রুয়ারি ২০২৪ খ্রিস্টাব্দ

**বিতরণ (জ্যেষ্ঠতার ক্রমানুসারে নয়):**

- ১। নৈতিকতা কমিটি, বিজিএফসিএল;
- ২। মহাব্যবস্থাপক (পরিকল্পনা কৌশল) ও ফোকাল পয়েন্ট, শুদ্ধাচার কৌশল, পেট্রোবাংলা;
- ৩। উপমহাব্যবস্থাপক (আইসিটি), বিজিএফসিএল [ওয়েবসাইটে প্রকাশের জন্য];
- ৪। উপমহাব্যবস্থাপক (পরিকল্পনা) ও ফোকাল পয়েন্ট, এপিএ, বিজিএফসিএল;
- ৫। উপমহাব্যবস্থাপক (এসটিআইসি), বিজিএফসিএল;
- ৬। উপমহাব্যবস্থাপক (মানব সম্পদ), বিজিএফসিএল এবং
- ৭। উপমহাব্যবস্থাপক (পিআরএল এন্ড লীড), বিজিএফসিএল।



*Abdus*

০৪-০২-২০২৪

মোঃ আব্দুস সুলতান

ব্যবস্থাপনা পরিচালক ও সভাপতি, নৈতিকতা কমিটি,  
বিজিএফসিএল।

**সকল সংযুক্তিসমূহ:**

- (১) Attendance Sheet